

Na osnovu člana 94. Zakona o osnovnom odgoju i obrazovanju („Službene novine Kantona Sarajevo“ broj: 23/17, 33/17, 30/19, 34/20 i 33/21), člana 9. Pravilnika o vrstama vlastitih javnih prihoda u Federaciji BiH („Službene novine Federacije BiH“ broj:104/22), Smjernica Ministarstva za odgoj i obrazovanje Kantona Sarajevo u vezi donošenja akta o vlastitim javnim prihodima broj: 11-07/01-11-1134-1/23 od 25.04.2023.godine i člana 133. Pravila Javne ustanove Srednja škola primijenjenih umjetnosti Sarajevo, Školski odbor Javne ustanove Srednje škole primijenjenih umjetnosti Sarajevo na 20.sjednici održanoj 11.05.2023.godine d o n o s i

**P R A V I L N I K**  
**O STICANJU I RASPODJELI VLASTITIH PRIHODA JAVNE USTANOVE**  
**Srednje škole primijenjenih umjetnosti Sarajevo**

**I - Opće odredbe**

**Član 1.**  
**(Predmet pravilnika)**

- (1) Pravilnikom o sticanju i raspodjeli vlastitih prihoda JU Srednje škole primijenjenih umjetnosti Sarajevo (u daljem tekstu:Pravilnik) utvrđuju se vrste, osnov sticanja, visina naknade i raspodjela vlastitih prihoda JU Srednje škole primijenjenih umjetnosti Sarajevo (u daljem tekstu: Škola).
- (2) Pravilnik o vlastitim javnim prihodima JU Srednje škole primijenjenih umjetnosti Sarajevo (u daljem tekstu: Pravilnik) se donosi u skladu sa članom 9. Pravilnika o vrstama vlastitih javnih prihoda u Federaciji Bosne i Hercegovine (“Službene novine Federacije BiH”, broj 104/22) i Smjernicama Ministarstva za odgoj i obrazovanje Kantona Sarajevo u vezi donošenja akta o vlastitim javnim prihodima, broj: 11-07/01-11-1134-1/23 od 25.04.2023. godine.

**Član 2.**  
**(Pojam vlastitih prihoda)**

- (1) Vlastiti javni prihodi koje ostvari Škola su javni prihodi Budžeta Kantona Sarajevo, a raspoređuju se u skladu sa Smjernicama navedenim u članu 1. stav (2) ovog Pravilnika.
- (2) Pod vlastitim javnim prihodima u smislu ovog Pravilnika podrazumijevaju se prihodi koje Škola ostvaruje obavljanjem osnovne djelatnosti i ostalih poslova na tržištu.

**Član 3.**  
**(Pravni osnov ostvarivanja vlastitih javnih prihoda)**

Pravni osnov za ostvarivanje vlastitih javnih prihoda je:

- a) Zakon o osnovnom odgoju i obrazovanju;
- b) Pedagoški standardi i opći normativi za odgoj i obrazovanje i normativi radnog prosotra, opreme, nastavnih sredstava i učila po predmetima za srednju školu.

**Član 4.**  
**(Pripadnost prihoda i način uplate)**

- (1) Vlastiti prihodi koje Škola ostvari su javni prihodi budžeta Kantona Sarajevo, a raspoređuju se u skladu sa članom 7. Pravilnika o vrstama vlastitih javnih prihoda u FBiH („ Službene novine F BiH broj: 104/22 „) u cjelosti Školi.
- (2) Prihodi se uplaćuju na depozitni račun Budžeta Kantona Sarajevo, a mogu naplaćivati i u gotovini.
- (3) Škola je dužna vlastite prihode ostvarene gotovinskim plaćanjem uplatiti na depozitni račun najkasnije sljedećeg radnog dana od dana naplate istih.

**II - Sticanje vlastitih prihoda**

**Član 5.**  
**(Vrste vlastitih prihoda)**

Škola stiče vlastite prihode po osnovu:

- a) izdavanja prepisa/duplikata dokumenata
- b) izdavanja opreme i prostora u zakup
- c) prodaje otpadnog materijala
- d) reklamno - propagandnih usluga
- e) realizacije pedagoško-metodičke pakse studenata (hospitovanje),
- f) ustupanje tenderske dokumentacije u postupku javnih nabavki.
- g) kopiranje i uvezivanje pisanog materijala.

**Član 6.**  
**(Naknada za realizaciju usluga)**

Naknade za realizaciju usluga iz člana 5. ovog Pravilnika utvrđuju se kako slijedi:

- a) izdavanja prepisa/duplikata dokumenata:
  - izdavanje izvoda iz nastavnog plana i programa 66 KM
- b) izdavanja opreme i prostora u zakup:
  - izdavanje opreme i prostora u zakup, kao i visinu naknade za zakupninu utvrđuje školski odbor, a u skladu sa zakonom i podzakonskim aktima kojima se reguliše izdavanje poslovnih zgrada i prostorija.
- c) visinu naknada za ostale usluge koje realizuje škola navedenih u članu 5. u tačkama d), e), f) i g),, a za koje u ovom članu nije navedena cijena istu utvrđuje školski odbor

**Član 7.**  
**(Visina naknade za realizaciju ostalih usluga)**

Visina naknade za realizaciju ostalih usluga koje realizuje Škola, a koji nisu obuhvaćene članom 6. ovog Pravilnika i koje nisu naprijed navedene, utvrđuje Školski odbor.

### III - Raspodjela vlastitih prihoda

#### Član 8.

##### (Planiranje i raspolaganje vlastitim javnim приходima)

- (1) Ostvareni vlastiti javni prihodi, u cijelosti se raspoređuju Školi.
- (2) Škola je dužna, na osnovu planiranih vlastitih prihoda, planirati i rashode koje će pokriti iz tih prihoda.
- (3) Vlastite prihode iz člana 5. ovog Pravilnika, Škola će koristiti za pokriće izdataka nastalih obavljanjem tih poslova, a ostatak za tekuće i kapitalne izdatke.
- (4) Vlastiti prihodi moraju se utrošiti do kraja budžetske godine, a neutrošeni dio vlastitih prihoda postaje javni prihod Budžeta naredne godine.

#### Član 9.

##### (Način raspodjele ostvarenih vlastitih javnih prihoda)

Ostvareni vlastiti prihodi se raspoređuju shodno ovom Pravilniku kako slijedi:

- a) prihodi koje budžetski korisnici ostvare po osnovu izdavanja prepisa/duplikata raspoređuju se na sljedeći način:

- 40% za materijalne troškove, tekuće održavanje i nabavku opreme;
- 30% za naknadu radnicima koji su sudjelovali u realizaciji poslova i
- 30% za stručno usavršavanje, sportske i kulturne aktivnosti, takmicenja, nagrade učenicima i ostale namjene.

30% naknade radnicima koji su sudjelovali u realizaciji poslova iz tačke a) ovog stava će se raspodjeliti kako slijedi:

- sekretar 100 %.

Procenti koji se odnose na ukupna sredstva ostvarena po svakom osnovu u okviru ovih sredstava raspodjela se odnosi na naknade u neto iznosu i pripadajuće poreze i doprinose (bruto iznos).

- b) prihodi koje budžetski korisnik ostvari po osnovu reklamno-propagandnih usluga, izdavanja opreme i prostora u zakup, ustupanja tenderske dokumentacije, kopiranja i uvezivanja pisanog materijalaraspoređuju se na sljedeći način:

- 70% za materijalne troškove, tekuće održavanje i nabavku opreme,
- 30% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

- c) prihodi koje budžetski korisnik ostvari po osnovu prodaje otpadnog materijala raspoređuju se na sljedeći način:

- 20% za materijalne troškove, tekuće održavanje i nabavku opreme i
- 80% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

#### Član 10.

### **(Praćenje naplate i raspoređivanje vlastitih prihoda)**

- (1) Škola je dužna da redovno prati, putem izvještaja koje dobije od Ministarstva finansija, dospelost i naplatu vlastitih prihoda.
- (2) Škola je odgovorna za potpuno i pravovremeno uplaćivanje vlastitih prihoda na depozitni račun.
- (3) Škola je dužna da ostvarene i naplaćene vlastite prihode rasporedi na rashode u finansijskim mjesečnim planovima izvršavanja Budžeta.

### **V - Završne odredbe**

#### **Član 11.**

##### **(Izvještaj o utrošku)**

- (1) Škola najmanje jedanput u šest mjeseci Ministarstvu za odgoj i obrazovanje Kantona Sarajevo dostavlja izvještaj o ostvarivanju i utrošku vlastitih prihoda, kao i Školskom odboru.
- (2) Za izradu izvještaja iz stava (1) ovog člana zaduženi su direktor Škole i samostalni referent za plan i analizu.

#### **Član 12.**

##### **(Izmjene i dopune Pravilnika)**

Izmjene i dopune ovog Pravilnika vrše se na način i po postupku predviđenom za njegovo donošenja.

#### **Član 13 .**

##### **(Stupanje na snagu Pravilnika)**

- (1) Pravilnik stupa na snagu danom donošenja a primjenjuje se danom dobijanja saglasnosti Vlade Kantona Sarajevo .
- (2) Pravilnik će se putem Ministarstva za odgoj i obrazovanja Kantona Sarajevo dostaviti Vladi Kantona Sarajevo radi dobivanja saglasnosti.
- (3) Stupanjem na snagu ovog Pravilnika stavlja se van snage Pravilnik o sticanju i raspodjeli vlastitih prihoda JU Srednje škole primijenjenih umjetnosti Sarajevo usvojen Odlukom Školskog odbora broj: 12 - 715/17 od 15.12.2017. godine.

Broj: 05 - 627/23

Sarajevo: 11. 05. 2023. godine

**PREDSJEDNICA ŠKOLSKOG  
ODBORA**

Mirka Crnovršanin